



Broj: 05/7-39-1-173-19,13/24

Sarajevo, 21. 5. 2024

БОСНА И ХЕРЦЕГОВИНА
ПАРЛАМЕНТАРНА СКУПШТИНА БОСНЕ И ХЕРЦЕГОВИНЕ
SARAJEVO

6

PRIMLJENO: 22-05-2024			
Organizaciona jedinica	Klasifikaciona oznaka	Redni broj	Broj priloga

Vijeće nacionalnih manjina Bosne i Hercegovine, u saradnji sa Misijom OSCE-a u BiH i Ministarstvom za ljudska prava i izbjeglice BiH, 21. 5. 2024. godine, u zgradi Parlamentarne skupštine Bosne i Hercegovine u Sarajevu, održalo je **Prvu konferenciju nacionalnih manjina BiH**, s ciljem unapređenja saradnje Vijeća nacionalnih manjina BiH sa udruženjima nacionalnih manjina koja djeluju u BiH, kao i podrške nadležnih institucija kulturnoj saradnji nacionalnih manjina u BiH.

Prva konferencija, u okviru koje su održana dva tematska panela, „*Podrška kulturnoj saradnji nacionalnih manjina u BiH*“ i „*Kako unaprijediti saradnju Vijeća nacionalnih manjina BiH sa udruženjima nacionalnih manjina BiH*“, pružila je priliku da brojni predstavnici udruženja nacionalnih manjina u BiH, predstavnici institucija na svim nivoima vlasti u BiH, te predstavnici ambasada država priznatih nacionalnih manjina u BiH i međunarodne zajednice razmijene mišljenja, stavove i iskustva o pravima, položaju i interesima nacionalnih manjina u BiH, kao i o funkcioniranju i radu udruženja nacionalnih manjina u BiH.

Učesnici konferencije donijeli su sljedeće **zaključke**:

- Pristupiti izmjeni uslova prijave udruženja nacionalnih manjina za korištenje finansijskih sredstava u okviru predviđenih grantova, odnosno produžiti vrijeme za prijavu, pojednostaviti procedure prijave i produžiti rokove za izradu projekata. Također, predvidjeti da se administrativni troškovi prijave projekata za sredstva granta realiziraju nakon prihvatanja aplikacije.
- Akcenat staviti na zajedničke prijave više udruženja.
- Predvidjeti mogućnost dopune projektne dokumentacije kako prijavljeni projekti ne bi bili odbacivani iz formalnih razloga.
- Osigurati, putem jedinstvene liste udruženja, dostavljanje informacija o objavi javnih poziva svim udruženjima nacionalnih manjina.

- Osigurati grant za osnovna sredstva radi funkcioniranja udruženja koja nisu u mogućnosti obezbijediti osnovne materijalne uslove (prostor, režije i sl.) za rad.
- Osigurati sredstva kojima će se omogućiti angažiranje stručnjaka odgovarajućeg profila za realizaciju projekata iz oblasti kulture.
- Predvidjeti povećanje finansijskih sredstava za aktivnosti nacionalnih manjina na svim nivoima finansiranja.
- Intenzivirati komunikaciju između udruženja nacionalnih manjina i vijeća nacionalnih manjina na svim nivoima.
- Organizirati tematsku konferenciju o temi: "Mjesto i uloga vijeća nacionalnih manjina" u okviru koje bi se razmatralo redefiniranje kriterija za izbor članova vijeća, karakter vijeća i ostala pitanja vezana za rad vijeća.
- Pristupiti izmjenama i dopunama Zakona o zaštiti prava pripadnika nacionalnih manjina.
- Pristupiti izmjenama i dopunama Izbornog zakona (u dijelu vezanom za prava pripadnika nacionalnih manjina).
- Pristupiti dopuni školskih programa i udžbenika o nacionalnim manjinama.
- Intenzivirati vidljivost nacionalnih manjina putem edukacije medija.
- Zaključke konferencije proslijediti svim učesnicima.

Predsjedavajući Vijeća nacionalnih manjina BiH

Mujo Fafulić
